

Papiamento den Bon Dia

Ernesto E. Rosenstand



PENSAMENTO DI UN PENSAMENTO

**Nos pensamento pa awe ta uno di Adlai Stevenson.
Stevenson tabata un politico Mericano.
El ayega di bisa**

CERA PAS TA MAS DIFICIL CU HACI GUERA.

**U pensamento cortico.
Ma cla tambe.**

**Ora di cuminsa cu un guerra ta bai hopi facil.
Ta percura pa violencia tur caminda.
Matamento sin piedad.
Ma pa logra pas ta bira mas dificil.
P'esei no ta nada exagera pa bisa**

CERA PAS TA MAS DIFICIL CU HACI GUERA.

EXPRESIONAN

*Den tur idioma nos tin expresionnan.
Esakinan ta mara na e cultura di e pueblo.
Nos lo tree pa boso algun di nos expresionnan.
Nos expresion pa awe ta:*

DIA DIA

E ta nifica:

DE BES EN CUANDO

Ban usa mas expresion den nos idioma

USO INTERESANTE

Ata un di nan aki:

CALOR TA MATA

Loke kier men:

TA HACI HOPI CALOR

UNDA E FALTA...

**BAN USA CORECTAMENTE NOS IDIOMA
Den e frase aki tin un falta.**

SU COMPORTAMIENTO NO TABATA BON.

**UNDA E FALTA TA?
E falta ta cometi contra uso di un palabra.
E palabra comportamiento.
Na Papiamento nos no conoce e terminacion MIENTO.
E frase corecto lo mester a bira:**

SU COMPORTAMENTO NO TABATA CORECTO.

Ban pone mas atencion riba uso di nos idioma.

SINONIMONAN

**Den tur idioma tin palabranan cu e mes
nificacion.**

**Nan ta sinonimo di otro.
Purba usa mas tanto sinonimo posibel
Esei ta enrikece nos idioma.**

Nos palabra pa awe ta

BET - PUSTA